



Rođen je 1963. godine u Tešnju.

Diplomirao je 1990. godine na Fakultetu bezbednosti i društvene samozaštite Univerziteta u Skoplju. Magistrirao je 2003. godine na Fakultetu kriminalističkih nauka Univerziteta u Sarajevu odbranom magistarskog rada na temu „Kriminalistička obrada kod ubistva“. Na istom fakultetu je i doktorirao 2006. godine doktorskom disertacijom na temu „Kriminalistička metodika otkrivanja i dokazivanja eksplozija“.

U zvanje docenta je izabran 2007. godine, na naučnu oblast „Kriminalistika“ a u zvanje vanredni profesor 2010. godine, također na naučnu oblast „Kriminalistika“. Direktor je „Instituta za kriminalistiku, forenzična istraživanja i sudska vještačenja na Fakultetu za kriminalistiku, kriminologiju i sigurnosne studije, Univerziteta u Sarajevu. Na Fakultetu za kriminalistiku, kriminologiju i sigurnosne studije predaje na dodiplomskom i postdiplomskom studiju na sljedećim predmetima: Metodologija otkrivanja kriminaliteta, Situacijska kriminalistika, Heuristička kriminalistika i Krizni menadžment.

Učestvovao je u više naučnoistraživačkih projekata, a u okviru naučne i stručne edukacije učestvovao je na raznim seminarima i konferencijama u zemlji i inostranstvu. U policiji je radio od 1988. godine na raznim dužnostima od čega izdvajamo: Inspektor za opšti i privredni kriminalitet; Šef odsjeka za suzbijanje kriminaliteta; Šef odsjeka za narkotike; Načelnik sektora policije; Pomoćnik ministra za poslove policije Zeničko-dobojskog kantona. Za postignute rezultate više puta je nagrađivan, te mu je dodijeljena Srebrna (1995) i Zlatna (1996) policijska značka.

Osim na matičnom fakultetu, predavač je na dodiplomskom i postdiplomskom studiju Pravnog fakulteta Univerziteta u Zenici i na Pravnom Fakultetu Univerziteta u Travniku, na predmetima Kriminologija i Osnovi kriminalistike. Na Univerzitetu „AAB-Riinvest“ u Prištini, u periodu 1997.-2010. godina bio je predavač na predmetima: Kriminalistička taktika, Kriminalistička metodika i Situacijska kriminalistika. U školskoj 2005/2006. godini bio je jedan od predavača na Fakultetu civilne odbrane Univerziteta u Beogradu na postdiplomskom studiju - Krizni menadžment.

Objavio je više naučnih i stručnih radova u Bosni i Hercegovini i inostranstvu.